

docsi... 文...
入駐商家... 古籍...
在文川網搜索... 獲取更多電子...

中國方志叢書·華中地方·第四八九號

據
清·周勳懋纂
清道光二年稿本
影印

浙江省

重修西湖周元公祠志



成文出版社有限公司印行

10101938

中華民國七十二年三月臺一版

重修西湖周元公祠志

全一册

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

重脩周元公祠志目錄

卷一

序文 歷代勅詔奏議

各支祠裔董事名氏

卷二

小像 本傳 墓誌 年譜 世系

卷三

祠圖 建祠始末 碑記詩詞

卷四 附忠節小傳

名蹟 附南山祠 旁名蹟 捐數 工作費用 祀產

docsriver 文川网
入驻商家 古籍书城

在文川网搜索古籍书城 获取更多电子书

重修元公祠志卷一

海昌裔孫勳懋纂

西湖存留田蕩地畝徵租奏案

浙江杭州府錢塘縣為遵

旨議奏事乾隆二十三年正月十二日奉

前巡撫部院楊 札開照得清理西湖一案前

經辦理完竣經該司道議稟本部院隨會同

督部堂于乾隆二十二年十二月初六日繕摺

具

奏今于乾隆二十三年正月初十日奉到

硃批知道了欽此合行抄摺札知札到該司即便

欽遵分別飭遵查辦毋違計粘抄奏摺內開

奏 為清理西湖疏濬水源以資灌溉事乾隆二

年春恭逢

聖主重幸浙江面奉

上諭西湖之水海寧一帶田畝藉以灌溉今聞沿湖

多有佔墾若將墾熟之田挖廢歸湖小民未免

失業如任其佔墾將來湖身日漸壅塞海邑田

畝有涸竭之虞于水利民田均有未便除經開

墾成熟者免其清出外嗣後不許再行侵佔欽

此遵先經臣會同前督臣喀將酌籌清理情形

恭摺

奏請

聖鑒欽奉

硃批俞允臣隨飭委署鹽驛道事溫處道朱椿績又
委鹽驛道張惟寅率同杭州府知府張逢堯等
先將湖面通行查丈自雍正二年清理西湖丈
見湖面周圍計二十二里四分四厘迄今三十
餘年沿湖居民或築堤為蕩或培土成田逐漸
佔墾並淤淺沙灘共二里有餘現丈湖面積存
不及二十里之數此次清查自應以雍正二年

丈定之數為準將陸續佔墾之處悉行挖削歸湖以疏下游水利乃仰蒙

聖主軫念民生將已墾成熟者免其清出此誠

聖主格外恩施臣敢不欽遵查辦第西湖之水攸關

下游水利若將有碍水道之處一概准其存蓄

恐日漸淤塞必至不敷灌溉似應分別辦理臣

因率同司道并承辦各員親歷湖濱周遭相度

將各處占墾之地蕩田畝及淤灘勘明有無阻

遏水源逐一插籤記認分定應去應留明白揭

示曉諭于秋杪收穫後令該道府督率佐雜各

員分頭展復計小有天園西一天山腳下金沙
港廟後錦帶橋內湖錢塘門迤南湧金門迤南
清波門西首長橋等處共清出有碍水道之地
蕩淤灘約計壹里有零逐一開挖歸湖其已成
田者概免挖削內將小有天園門首前園佔之
水蕩清出建築馬頭不特湖船直達無碍而水
源亦疏暢流通又于柳浪聞鶯處將開挖園蕩
之土方即用以築堤一道計長一百餘丈直至
湧金馬頭以作界限其餘沿湖凹凸不齊之處
各按形勢悉行裁直淤淺沙灘一律開濬深通

現在文寔湖面已有二十一里二分零較前清
出一里有餘其各處不碍水源之田畝地蕩尚
有五百八十九畝零應遵

旨免其清出即照現在二十一里二分之湖面立石
永禁侵佔東面于湧金門馬頭之右西面于一
天山腳下南面于長橋船埠北面于湖山春社
之左共四處各立一碑將現在清出里數及侵
佔官湖例應擬流條款刊刻碑上俾小民咸知
畏法遵守仍造冊繪圖存案每年青令地方官
查丈一次稍有侵越立押到廳拘聽即行蒸處

所有免其清出之田畝地蕩雖蒙

聖恩不予創廢但究係侵佔既免其治罪復仍歸管業自應酌量徵租以充歲修疏濬西湖之用臣與司道悉心斟酌計其出息之厚薄定其租額之低昂每蕩一畝歲徵租銀五錢田一畝歲徵租四錢地一畝歲徵租銀三錢造具戶畝各確冊于二十三年起令地方官按畝徵收解送驛道衙門歸入西湖租息項下以備挑濬修理公用自此番清理後斷不容再有圈佔再沿湖雖已立石刊禁但湖身寬濶恐小民惟利是圖或

于各處堤岸仍有侵損擬令地方官于清出之
堤岸上照蘇堤之式栽插柳樹不特可杜小民
侵損其根株盤結亦可堅固隄身且一二年後
長發茂盛萬綠成陰更足與湖山增色所用剗
費即於鹽道收存西湖租息項下動支無需開
銷正項錢糧現在湖面較前已大為開展湖流
暢達水道不淤下游田畝從此倍資灌溉之利
白叟黃童咸歌

聖澤優渥樂利無涯矣所有清理西湖完竣原由理
合會同督臣楊 合詞恭摺具

奏並繪圖貼說敬呈

御覽伏乞

皇上睿鑒訓示謹

奏等因奉此當經轉行欽遵確查造冊去後今該
本司布政使杜官德鹽驛道原稟臧會查得奉

院札飭會

奏清理西湖一案辦理完竣文出存畱無碍水源
之田畝地蕩五百八十九畝零應遵

旨免其清出分別徵租于乾隆二十三年起令地方
官徵收解道歸入西湖租息項下以充歲修疏

濟西湖之用等因奉即轉行欽遵確查冊報去
後今據杭州府知府張逢堯署杭通判劉祖祐
會詳據錢塘縣知縣邢銓詳稱該年職道即西
湖東西南北四面地方存留田蕩地畝五百八
十九畝一分逐一履畝查丈遵照

奏明徵租則例分別定數共丈得田四十六畝四
分四釐六毫每畝應徵租銀四錢共該田租銀
一十八兩五錢七分八厘四毫共丈得地三百
三十九畝四分七釐三毫每畝應徵租銀三錢
共該地租銀一百一兩八錢四分一釐九毫共

丈倚蕩二百三畝一分八釐一毫每畝應徵租
銀五錢共該蕩租銀一百一兩五錢九分五釐
以上共該租銀二百二十二兩一分八毫內除
周濂溪祠前荷蕩放生池魚蕩蘇堤幫地三共
計蕩四十七畝六分四釐一毫地一百九畝八
釐七毫撥給守祠後裔住僧管業以為香燈盞
菜并巡查花樹看管景亭人役飯食等用此項
租銀請除免徵外寔該徵租銀一百六十五兩
四錢六分四釐二毫于乾隆二十三年為始每
年徵解鹽道庫以備西湖修濬公用除立碑繪

圖遵辦外造冊由府會詳請咨前來本司道後
核無異合同冊詳候

憲臺察核咨明

一件為遵

旨議奏事乾隆二十三年十一月初八日奉

前憲原轉奉

前任巡撫部院福 案驗乾隆二十三年十一

月二十八日准

工部咨開都水清吏司案呈乾隆二十三年九

月初四日准

docsriver 文川网
入驻商家 古籍书城

在文川网搜索古籍书城 获取更多电子书

浙撫楊咨稱照得清理西湖一案前經辦理完竣會督部堂于乾隆二十二年十二月初六日繕摺具奏今于乾隆二十三年正月初十日奉

到

硃批知道了欽此轉行欽遵確查冊報去後今據

錢塘縣將西湖東西南北四面地方存留地蕩五百八十九畝一分逐一查丈遵照奏明徵租則例分別定數共丈得田四十六畝四分四釐六毫每畝應徵租銀四錢共該田租銀十八兩五錢七分八釐四毫共丈得地三百三十九畝

×

四分七釐三毫每畝應徵租銀三錢共該地租
銀一百一兩八錢四分一釐九毫共文得蕩二
百三畝一分八釐一毫每畝應徵租銀五錢共
該蕩租銀一百一兩五錢九分五毫以上共該
租銀二百二十二兩一分零八毫內除周濠溪
祠前蕩四十七畝六分四釐一毫地一百九畝
八厘七毫撥給守祠後裔管業以為香燈盞菜
并巡查花樹看管景亭人役飯食等用此項租
銀請除免徵外寔該租銀一百六十五兩四錢
六分四釐二毫于乾隆二十三年為始每年徵

解鹽道庫以備西湖修濬公用造冊詳咨等情
相應咨送等因前來應行該撫將前項丈出西
湖田畝地蕩五百八十九畝一分內除周渡溪
祠前蕩地一百五十六畝七分二釐八毫撥給
守祠後裔住僧官業以為香燈鹽菜等用免其
徵租外其餘田畝地蕩共四百三十二畝三分
七釐二毫應徵租銀一百六十五兩四錢六分
四釐二毫遵照原卷于乾隆二十三年為始每
年徵解道庫歸于西湖租息項下以備挑濬修
理公用仍于每年年底彙造四柱清冊送部查

核可也

謹案前疏內稱除周濂溪祠前舊蕩放生池魚
蕩蘇堤幫地三共計蕩四十七畝六分四釐一
毫地一百九畝八厘七毫似濂溪祠前專言荷
蕩而不詳其畝數後疏內稱周濂溪祠前蕩地
一百五十六畝七分二釐八毫九混分難稽因
細查徵收清冊內後開周濂溪祠前原有荷蕩
五畝九分六釐放生池魚蕩四十一畝六分八
釐一毫埂地四十四畝三分三釐二毫蘇堤原
有幫岸地六十四畝七分五釐五毫合之畝數

同符山陰家木齋上舍聞有此疏不惜重資從
分權使署託鈔告諸有司蓋此時祠基被佔荷
蕩僅存一口其地蕩之被入侵吞已非一日守
土者但能將附近之蕩向不做銀或新戶完納
者祠前後之地究其契據或於何年與何姓置
買則了然明晰自杜爭端何以呈批內有查閱
抄案免徵蕩地核與賦役全書不符地蕩數目
通共而言爾不能因有坐落周公祠蕩一語一
槩誤事爭祠產又云西湖祠宇景亭不一而足
斷難概占周公祠產爾現在祠前存蕩有著豈

九

能採摭抄案另有希圖今本縣明晰指飭兩等
均係贖裔更當仰體先賢廉介之風毋與祠鄰
爭訟作此無益之想云云試問免徵清冊係乾
隆二十三年以後所核賦役全書寔究究在何
年豈有不符之理况現奉

勅建地蕩被佔是以抄案求文竝未嘗概占以作周
公祠產亦非敢希圖謀占現在祠蕩所著何在
所謂明晰指飭者何語但云先賢廉介將所有
祠基地蕩任人侵吞則將以尼山大聖隆曲阜
之奉為奇賢衍聖公爵守先人故土為不孝乎

首邑能更續，若此直一之大綱也。

十

003

宋敕汝南伯周惇頤從祀孔子廟廷詔

朕惟孔子之道自孟軻後不得其傳至我朝周惇頤
程顥程頤張載真見實踐深探聖域千載絕學始有
指歸中興以來又得朱熹精思明辨表裏混融使大
學中庸語孟之書本末洞徹孔子之道益以大明於
世朕觀五臣論著啟沃良多今視學有日其令
學宮列諸從祀以示崇獎之意可付史館頒天下奉
勅如右牒到奉行

淳祐元年正月十五日

案慶元中著作郎李道傳請以先生及二程張朱

四先生從祀未行至淳祐始頒此詔元史仁宗皇
慶二年六月以宋儒周惇頤從祀孔子廟廷據此
則宋詔雖頒終未舉行至皇慶二年始行之延祐
六年乃追封為汝南伯濂溪志載嘉祐元年春正
月詔追封為汝南伯從祀孔子廟廷恐未必然也

宋謚元公奏議

嘉定十三年六月二十二日賜先生謚曰元先是嘉定七年潼川轉運判官魏了翁上書曰臣猥以晚學誤被東注擢司詳刑于蜀之東既報攸司兼攝漕輓職分所係於教學立師崇化善俗所不當後因惟國朝盛時先正鉅公多在於蜀其生有顯秩沒有卹章載在史冊者不待贅陳如其間有道德隆重學問正大為世師表而爵位弗稱至未舉易名之典臣偶職司勸學且先賢故蹟適在所部敢憚控陳竊見故虞部郎中周惇頤嘗為合州僉書判官州事不經其手

吏不敢決苟下之民不肯從蜀之賢人君子莫不喜稱之流風所漸迄今未泯士競講學民知嚮方春秋奉嘗有永無替臣始到官遣吏即其祠而用幣焉退復惟念是特顯所以施諸一方見諸行事之一二耳蓋自周衰孔孟沒更秦漢魏晉隋唐學者無所宗主支離泮渙莫適與歸醇質者滯於佔畢訓詁雋爽者溺於記覽詞章言義理則流於清虛寂滅論事功則驚於權謀智巧誣民惑世淪於肌髓不可救藥而頤獨奮乎百世之下乃始探造化之至蹟建圖著書闡發幽秘即斯人日用常行之際示學者窮理盡性之

docsriver 文川网
入驻商家 古籍书城

在文川网搜索古籍书城 获取更多电子书

歸使誦其餘言者始得曉然于洙泗之正傳而知世
之所謂學者非滯於俗師則淪於異端蓋有不足學
者於是河南程顥程頤親得其傳而聖學益以大振
雖三人於時皆不及大用而嗣往聖開來哲發天理
正人心使孔孟絕學獨盛於本朝而超出乎百代功
用所繫治理所關誠為不小特拘命秩末舉節忠故
紹興初侍講胡安國常請于朝先爵程顥兄弟使得
從食於先聖先師之廟其後乾道間大學錄魏掞之
又嘗白宰相請祠程顥兄弟於學皆不果行如周頤
則又程頤兄弟親炙而師事之者安國掞之未及以

為言則尤為闕典也臣愚欲望聖慈詳臣所陳如以
為可采乞下之禮官如先朝邵雍徐積等故事先將
周顛特賜美謚其於表章風厲誠非小補臣竊欲效
使臣勸學之職因遂致蜀人甘棠之恩故出位僂言
冒昧及此臣之罪大矣惟陛下裁幸疏上朝廷下禮
官討論了翁再疏曰臣聞謚者行之迹昔人所以旌
善而懲惡節惠而尊名也爰自後世限以品秩濟以
請託於是嘗位大官者雖惡猶將飾之品秩之所不
逮則有碩德茂行而不見稱於世者矣夏竦高居若
訥而謚文壯蔡卞鄭居中而謚文正鄧洵武蔡簡而